

BASES REGULADORAS DA CONVOCATORIA DE AXUDAS PARA O ENSINO E O TRANSPORTE DO CONCELLO DE MUROS 2016/2017

Primeira. OBXECTO DA CONVOCATORIA.

É obxecto da presente convocatoria de axudas favorecer a escolarización pública e formación universitaria a familias con menos recursos económicos do Concello de Muros.

Segunda. DESTINATARIOS/AS E REQUISITOS.

Para ser beneficiario/a destas axudas é preciso cumprir os seguintes requisitos:

a) Cursar estudos nalgún dos seguintes centros de ensino para os que se solicita a axuda:

- ENSINO (material escolar/libros):

- **INFANTIL:** todos os centros públicos do Concello (CEIP Ricardo Tobío, EEI de Tal, CEIP Ramón de Artaza, EEI de Muros, CEIP de Louro).
- **BACHARELATO:** IES Fontexería.
- **FORMACIÓN PROFESIONAL:** IES Fontexería.

- TRANSPORTE:

- **ENSINANZAS ARTÍSTICAS SUPERIORES E IDIOMAS.**
- **UNIVERSIDADE:** calquera universidade galega.
- **FORMACIÓN PROFESIONAL:** calquera ciclo en Galicia (non impartido no Concello de Muros).

b) Que a renda per cápita familiar non supere os límites establecidos na base quinta da presente convocatoria.

c) A unidade familiar debe estar empadroad/a no Concello de Muros e ser fillo/a dependente. Non pode beneficiarse destas axudas o alumnado que non sexa dependente. Consideraranse fillos dependentes os menores de 25 anos e que convivan no domicilio familiar a 31 de decembro do ano inmediato anterior a aquel no que comeza o curso escolar para o que se solicita a axuda sempre que non teñan un contrato de traballo ou percibiran recursos (agás bolsas) durante o ano 2016.

d) Presentar CERTIFICADO DE MATRÍCULA do/a alumno/a para o curso 2016/2017 (agás alumnos/as de Infantil).

e) Cumprir os requisitos para obter a condición de beneficiario/a, recollidas nos artigos 13 da Lei 38/2003, do 17 de novembro, xeral de subvencións, e 10 da Lei 9/2007, do 13 de xuño, de subvencións de Galicia.

f) As axudas serán solicitadas polos representantes legais do alumnado: os pais, as nais ou os titores ou titoras.

g) Poderán ser beneficiarios/as da axuda de transporte o alumnado de:

- Formación Profesional (cursado fóra do Concello de Muros).
- Universidade.
- Ensinanzas artísticas superiores e idiomas.

Terceira.SOLICITUDES E DOCUMENTACIÓN NECESARIA.

Documentación obrigatoria:

a) As solicitudes para a concesión destas axudas formalizaranse no impreso normalizado que se inclúe como anexo I e poderá así mesmo obterse nas oficinas da Centro Cultural e Xuvenil de Muros ou nas oficinas de Servizos Sociais ou ben a través da páxina web: www.muros.es

b) Xunto coa solicitude, no modelo normalizado e debidamente cuberto, presentarase a seguinte documentación:

- Fotocopia do DNI da persoa solicitante (pai, nai ou titor).
- Fotocopia do libro de familia no que figuren todos os membros da unidade familiar.
- Fotocopia da declaración da renda correspondente ao exercicio 2015 dos/as pais/nais ou titores/ras legais. No caso de non estar obrigado a presentar a declaración do IRPF, copia da notificación-liquidación ou certificado acreditativo do nivel de rendas emitido pola Axencia de Administración Tributaria que corresponda. Excepcionalmente, se a unidade familiar alega carecer de recursos, ou quere acreditar unha situación excepcional, imprevista ou de carácter de especial necesidade que afecte negativamente á situación familiar ou no caso de percibir pensións non contributivas deberá acreditala mediante informe social. Nos casos de separación ou divorcio estase ao previsto na Base 6ª para a

determinación dos membros da unidade familiar. Os/as fillos/as entre 18 e 25 anos inclusive, que perciban rendas e non figuren na declaración da renda dos/as pais/nais aínda que residan con eles, deberán acreditar os seus rendementos e computarán como ingresos da unidade familiar.

- No caso de presentar solicitudes para varios irmáns/ás, só é necesario presentar un exemplar da fotocopia do DNI da persoa solicitante, do libro de familia e da declaración do IRPF dos proxenitores.
- Facturas orixinais ou copia cotexada que acrediten o gasto realizado en material escolar ou libros para o alumnado de, infantil, ciclo medio e bacharelato. Dado o carácter finalista das axudas desta convocatoria, en ningún caso, o importe da axuda concedida polo Concello poderá ser superior ao gasto realizado polo/a beneficiario/a. En consecuencia, de ser necesario, realizarase o oportuno axuste na cantidade da axuda concedida en cada caso. Se se detectasen facturas falsas ou fraude na declaración dos datos facilitados perderase o dereito a obter as axudas en anos consecutivos.
- Certificado da matrícula expedido polo centro educativo para o alumnado de Bacharelato, FP e Universidade.
- Declaración responsable de atoparse ao corrente coas obrigas tributarias e da Seguridade Social, de non estar incurso/a en ningunha das prohibicións para obter a condición de beneficiario/a de subvencións públicas e de estar ao corrente no cumprimento de obrigas por reintegro de subvencións, e autorización ao Concello de Muros para que realice as comprobacións oportunas durante o todo o período que dure o proceso, segundo anexo II.
- Volante de convivencia.

Documentación complementaria:

- Certificado que acredite o grao de minusvalía e/ou incapacidade nun grao igual ou superior ao 33% dalgún membro da unidade familiar, se procede.
- Certificado que acredite a situación de desemprego por un período superior a 6 meses durante o ano 2015 dalgún membro da unidade familiar, se procede.
- Documentación acreditativa da situación de familia monoparental ou de ausencia de ambos os dous proxenitores.

Cuarta.LUGAR E PRAZO DE PRESENTACIÓN DAS SOLICITUDES.

a) A solicitude presentarase no Rexistro Xeral do Concello de Muros, de luns a venres en horario de 8.00 a 14.00 horas, ou a través das formas establecidas no artigo 38.4 da Lei 30/92, de réxime xurídico das administracións públicas e do procedemento administrativo común.

b) O prazo de presentación de solicitudes será de 20 días hábiles, contados a partir do seguinte ao da publicación destas bases.

Quinta.CONTÍA DAS BOLSAS.

O Concello de Muros aboará as bolsas ás persoas beneficiarias que reúnan todos os requisitos previstos na base segunda e presenten a súa solicitude dentro do prazo establecido na convocatoria xunto coa documentación requirida na base terceira.

Os importes máximos das axudas de ensino (material escolar e libros), por alumno/a e curso serán os que se reflicten na táboa seguinte:

- AXUDAS DE ENSINO (MATERIAL ESCOLAR E LIBROS)

- CURSO IMPORTE DA AXUDA EDUCACIÓN INFANTIL:30 €
- BACHARELATO e FP:60 €

- TRANSPORTE (DISTANCIA EN KM IMPORTE BOLSA)

- Centros situados nun radio de 60 km: 80 €
- Centros situados nun radio de 120 km: 100 €
- Centros situados nun radio de 180 km : 120 €

Sexta.VALORACIÓN DAS SOLICITUDES.

Na valoración das solicitudes teranse en conta a renda per cápita familiar e o exercicio fiscal 2015. A renda per cápita familiar englobará os ingresos de todos os membros da unidade familiar divididos polo número de membros computables. Para o previsto nestas bases considérase que compoñen a unidade familiar:

- Os pais e nais non separados legalmente e, no seu caso, o/a titor/a ou persoa encargada da garda e protección do menor.
- Os/as fillos/as menores de idade, con excepción dos emancipados.
- Os fillos maiores de idade con discapacidade física, psíquica ou sensorial ou incapacitados xudicialmente, suxeitos á patria potestade prorrogada ou rehabilitada.
- Os/as fillos/as solteiros/as menores de 25 anos e que convivan no domicilio familiar a 31 de decembro do ano inmediato anterior a aquel no que comeza o curso escolar para o que se

solicita a bolsa sempre que non tiveran un contrato de traballo ou percibiran recursos (agás bolsas) durante o ano 2015.

- No caso de familias monoparentais, para os efectos do cálculo da renda per cápita, incrementarase nun 0,8 o número real de membros que compoñen a unidade familiar. Considerarase familia monoparental aquel “núcleo familiar composto por un único proxenitor ou proxenitora que non conviva con outra persoa coa que manteña unha relación análoga á conxugal e os fillos ou as fillas menores ao seu cargo, sempre que o outro proxenitor ou proxenitora non contribúa economicamente ao seu sustento” (artigo 13 da Lei 3/2011). Para os efectos da consideración da monoparentalidade, e sempre que o fillo ou filla teña sido recoñecido por ambos/ambas proxenitores/as, no caso de non existir acordo xudicial algún no referido ao outorgamento da garda e custodia así como á atribución de pensión de alimentos en favor da/do menor estimarase como xustificación suficiente a declaración xurada do proxenitor/proxenitora/responsable legal solicitante, sen prexuízo de que a administración poida efectuar maiores comprobacións valéndose dos medios legalmente establecidos.
- No caso de ausencia de ambos os dous proxenitores, para os efectos do cálculo da renda per cápita, incrementarase nun 1,6 o número real de membros que compoñen a unidade familiar
- Cando non exista vínculo matrimonial a unidade familiar entenderase constituída polo pai, a nai e todos/as os/as fillos/as dos/as pais/nais que convivan con eles e que reúnan os requisitos do apartado anterior.
- No caso de separación ou divorcio, non se considerará membro da unidade familiar aquel que non conviva coa persoa solicitante da bolsa de axuda. A separación ou divorcio acreditarase mediante sentenza xudicial que determine a mesma, ou convenio regulador onde conste a custodia do menor. A valoración das solicitudes presentadas efectuarase segundo o seguinte cadro de puntuacións:

RENDA PER CÁPITA FAMILIAR

- Puntuación de 0 € a 4.000,00 € 6 puntos.
- De 4.001 € a 5.000,00 € 4 puntos.
- De 5.001 € a 6.000,00 € 2 puntos.

As rendas per cápita superiores a 6.000 € non terán dereito a axuda de ensino, e as rendas per cápita superiores a 5.000 € non terán dereito a axuda de transporte. Ademais da renda per cápita teranse en conta as seguintes circunstancias sempre que se acrediten co correspondente certificado:

- a) Se algún membro da unidade familiar ten unha minusvalía igual ou superior ao 33%, puntuarase esta circunstancia con 2 puntos adicionais.
- b) Cando o/a pai/nai ou titor/a acrediten a situación de desemprego durante máis de seis meses no ano 2015 incrementarase a valoración con 2 puntos adicionais.

Sétima. IMPORTE MÁXIMO E CRÉDITO ORZAMENTARIO.

O importe total para axudas de ensino e transporte prevese en 10.000 €, e levarase a cabo mediante a tramitación anticipada de gasto que se imputará ao crédito do exercicio 2016, á aplicación orzamentaria 320/489.00, ao abeiro do establecido no artigo 56 do Regulamento da Lei Xeral de Subvencións (Real Decreto 887/2006, de 21 de xullo). De acordo co mesmo, a concesión das axudas queda condicionada á existencia de crédito axeitado e suficiente no momento da resolución da concesión.

Oitava. DO PROCEDEMENTO DE CONCESIÓN DAS AXUDAS.

Unha vez rematado o prazo de presentación de solicitudes, estas serán valoradas pola comisión avaliadora conforme aos criterios establecidos na base 6ª. Posteriormente publicarase no taboleiro de edictos do Concello unha lista provisional e abrirase un prazo de 10 días para reparación de documentación. Transcorrido este prazo a comisión emitirá unha proposta definitiva que será fiscalizada pola Intervención municipal e deseguido procederase á súa aprobación pola Xunta de Goberno Local así como á súa publicación no taboleiro de edictos do Concello.

Novena. COMPATIBILIDADE.

A percepción destas axudas será compatible coa percepción doutras coa mesma finalidade que se poidan percibir doutras administracións.

Décima. COMISIÓN AVALIADORA.

A comisión avaliadora das solicitudes e documentación estará formada por:

- A alcaldesa.
- O/A interventor/a municipal.
- O técnico da Axencia de Emprego e Desenvolvemento Local.
- O/A administrativo/a de servizos económicos.

Onceava. XUSTIFICACIÓN.

A documentación xustificativa presentarase no mesmo momento da solicitude.

– Xustificantes esixidos para as axudas de ensino:

- INFANTIL: Facturas orixinais ou copias cotexadas que acrediten o gasto realizado en material escolar e libros.
- *BACHARELATO E FP: Facturas orixinais ou copias cotexadas que acrediten o gasto realizado en material escolar e/ou libros.*

– Xustificantes esixidos para as axudas de transporte:

- ALUMNOS/AS UNIVERSITARIOS TIPO DE XUSTIFICANTE BACHARELATO, FP: Certificado de estar cursando os estudos expedido polo centro educativo
- Xustificación de uso de transporte público

Disposición derradeira

Concederanse as presentes axudas ata o límite orzamentario previsto na aplicación orzamentaria destinada para tal fin no Orzamento Xeral do Concello de Muros para o ano 2016 (como tramitación anticipada de gasto).

De verse superada esta contía na valoración das solicitudes, primarase a concesión de axudas ás unidades familiares que obteñan maior puntuación na valoración das solicitudes.

Muros, 16 de setembro de 2016.

A alcaldesa

ANEXO I

MODELO DE SOLICITUDE DE AXUDAS PARA O ENSINO E O TRANSPORTE 2016/17

DATOS DA PERSOA SOLICITANTE (PAI/NAI/TITOR/A)

| | |
|-----------------|----|
| NOME E APELIDOS | |
| NIF | |
| ENDEREZO | |
| TELÉFONO | |
| IBAN | CC |

DATOS DO/A ALUMNO/A

| | |
|-------------------|--|
| NOME E APELIDOS | |
| CURSO | |
| CENTRO DE ESTUDOS | |

| | |
|------------------|--|
| AXUDA SOLICITADA | <input type="checkbox"/> AXUDA DE ENSINO (LIBROS/MATERIAL ESCOLAR) |
| | <input type="checkbox"/> AXUDA DE TRANSPORTE |

▪ DOCUMENTACIÓN OBRIGATORIA QUE SE ACHEGA (marque cun x)

(unha soa fotocopia para todas as solicitudes da mesma unidade familiar):

- Fotocopia do DNI da persoa solicitante (pai/nai-titor/titora).
- Fotocopia do libro de familia no que figuren todos os membros da unidade familiar.
- Declaración responsable segundo anexo II.
- Volante de convivencia.

Ingresos da unidade familiar (elixir a opción que corresponda):

- Fotocopia da declaración da renda (IRPF) 2014.
- Certificado da AEAT de non ter presentado a declaración no que se acrediten os ingresos obtidos no exercicio 2014.
- Outra documentación xustificativa dos ingresos da unidade familiar.

▪ DOCUMENTACIÓN COMPLEMENTARIA QUE SE ACHEGA (marque cun x):

- Certificado que acredite o grao de minusvalía dalgún membro da unidade familiar (se procede).
- Certificado que acredite a situación de desemprego por período superior a 6 meses dalgún membro da unidade familiar (se procede) durante o ano 2015.
- Documentación acreditativa da situación de familia monoparental ou de ausencia de ambos os dous proxenitores.

▪ XUSTIFICACIÓN OBRIGATORIA DAS AXUDAS DE ENSINO E TRANSPORTE:

- Facturas orixinais do gasto realizado en material ou libros (alumnado de Infantil, bachelato e formación profesional)
- Certificado da matrícula expedido polo centro educativo (Bachelato, FP e universitarios/as).

ANEXO II

DECLARACIÓN RESPONSABLE

D./D.^a _____, con NIF/pasaporte
_____, pai, nai, titor/a do/a, dos/das alumno/a,alumnos/as

DECLARO:

- 1.–Estar ao corrente no cumprimento das obrigas tributarias e fronte á Seguridade Social.
- 2.–Non estar incurso/a en ningunha das prohibicións para obter a condición de beneficiario/a de subvencións públicas recollidas nos artigos 13 da Lei 38/2003, do 17 de novembro, xeral de subvencións, e 10 da Lei 9/2007, do 13 de xuño, de subvencións de Galicia.
- 3.–Estar ao corrente no cumprimento de obrigas por reintegro de subvencións.

AUTORIZO:

– Ao Concello de Muros para que realice as comprobacións oportunas en relación cos apartados anteriores, durante todo o período que dure o proceso de concesión e pagamento das axudas para o curso 2016/2017.